


Los ntawm Thawj Tswj Hwm
Dieter F. Uchtdorf

Tus Pab Cuam thib Ob hauv
Thawj Pawg Thawj Tswj Hwm



Nrhiav Khetos hauv lub Caij Christmas

Hais rau tag nrho cov uas xav to taub hais tias peb cov mej zeej ntawm Yexus Khetos lub Koom Txoos ntawm Tsoom Haiv Neeg Ntseeg hauv Hnub Nyoog Kawg yog leej twg, kuv xav tias tsim nyog uas nej pib kawm plaub lo lus no hais tias: Peb nrhiav tus Khetos.

Peb xav kawm txog Nws. Xav coj raws li Nws. Xav hloov los ua neeg zoo li Nws ntxiv.

Txhua hnub tas txhua xyoo, peb nrhiav Nws. Tiam sis qhov tseem ceeb yog thaum lub sij hawm no—lub caij Christmas, thaum peb ua koob tsheej txog peb tus Cawm Seej txoj kev yug los—peb haj yam muab siab npuab Nws.

Nrog rau peb tej kev npaj rau kev ua koob tsheej txog lub caij Christmas, thov kom peb xav txog cov uas ua neej ob txhiab xyoos tas los tau npaj tos txais tus Cawm Seej los li cas.

Cov Neeg Yug Yaj

Peb tsis paub ntau txog cov neeg yug yaj ntawd, tsuas yog lawv “pw zov lawv cov yaj tom teb, thaum tsaus ntuj.”¹ Nyaj cov neeg yug yaj yog tib neeg zoo li lwm tus, zoo li ntau tus neeg zoo uas khwv ua hauj lwm txhua hnub kom ua neej nyob.

Tej zaum lawv zoo li cov neeg uas, yav tas los tsis tau rau siab nrhiav tus Khetos, tiam sis lawv tau hloov siab thaum lub ntuj qhib thiab cov tim tswv tshaj tawm txog Khetos.

Cov no yog cov uas, tom qab lawv mloog cov tub xa xov saum ntuj lub suab, tau mus rau Nplehees tam sim ntawd vim lawv xav saib.²

Cov Neeg Txawj Saib Hnub Qub

Cov Neeg Txawj Saib Hnub Qub yog cov neeg kawm ntaub kawm ntawv uas twb kawm txog tus Mexiyas, Vajtswv Leej Tub, txoj kev los. Los ntawm tej uas lawv kawm, lawv to taub tej lub cim uas qhia txog Nws txoj kev yug los. Thaum lawv to taub tej lub cim ntawd, lawv tawm ntawm lawv tej tsev thiab mus rau Yeluxalees, nug hais tias, “Tus metub uas yuav ua cov Yudais tus vaj ntxwv, nws yug rau qhov twg?”³

Lawv txoj kev paub txog tus Khetos tsis yog los ntawm kev kawm ntaub kawm ntawv xwb. Thaum lawv pom tej lub cim txog Nws txoj kev yug los, lawv twb ua tej yam. Lawv sawv kev mus nrhiav tus Khetos.

Cov Neeg Txawj Saib Hnub Qub yeej zoo li cov uas nrhiav tus Khetos los ntawm kev kawm ntaub kawm ntawv. Qhov uas lawv tso siab rau qhov tseeb yeej coj lawv nrhiav tau tus Khetos thiab teev tiam Nws uas yog tus Vaj Ntxwv ntawm cov vaj ntxwv, tib neeg tus Cawm Seej.⁴

Xime-ooos thiab Anas

Xime-ooos thiab Anas yeej zoo li cov uas nrhiav tus Khetos dhau los ntawm tus Ntsuj Plig. Ob tug neeg zoo no rau siab teev tiam Vajtswv, thiab los ntawm nkawd txoj

kev yoo mov thiab kev thov Vajtswv thiab kev mob siab ua neej thiab mloog lus, nkawd tos ntsoov txog hnuv uas nkawd yuav pom Vajtswv Leej Tub los.

Nrog kev ntseeg, kev txo hwj chim, thiab kev ncaj ncees, nkawd ua siab ntev tos ntsoov tus Cawm Seej txoj kev los.

Thaum kawg, nkawd tau nqi zog los ntawm nkawd txoj kev rau siab ntseeg thaum Maivliag thiab Yauxej muab tus me nyuam mos liab rau nkawd saib, tus uas ib hnuv Nws yuav ris noob neej tej kev txhaum.⁵

Cov Ntseeg los ntawm cov Neeg Nifais thiab cov Neeg Lamas

Zaj dab neeg zoo txog qhov uas cov ntseeg nyob hauv Sab Ntiaj Teb Tshiab tos ntsoov tej lub cim txog tus Cawm Seej txoj kev yug los muaj nyob hauv Phau Ntawv Maumoos.

Nej nco qab tias cov uas muaj kev ntseeg Khetos twb raug thuam thiab raug tsim txom. Cov neeg ntse ntawm lub caij nyooq ntawd twb liam hais tias cov ntseeg coj raws li tej kab lig kev cai ruam. Muaj tseeb tiag, cov uas tsis ntseeg hais ntau heev thaum lawv thuam cov ntseeg lawv thiaj li ua “kev xeeb txob loj heev” nyob hauv thaj av (3 Nifais 1:7). Lawv thuam cov uas ntseeg hais tias tus Cawm Seej yuav yug los.

Lawv txoj kev npau taws thiab kev chim siab loj tuaj lawv thiaj li xav ntsoov kom muab tag nrho cov uas ntseeg tus Cawm Seej tua pov tseg. Phau Ntawv Maumoos ceev xwm txheej txog qhov uas muaj thaum kawg.⁶

Cov ntseeg uas ua neej nyob thaum ntawd yeej zoo li cov uas nrhiav tus Khetos txawm yog lwm tus luag, thuam, thiab thab plaub. Lawv nrhiav tus Khetos txawm yog lwm tus hais tias lawv ruam, dag, los yog neeg tsis ntse.

Tiam sis qhov uas lwm tus ntsub lawv tsis tab kaum cov uas ntseeg tiag tiag kom lawv tsis nrhiav Khetos.

Peb Nrhiav tus Khetos

Tas ib xyoo, thiab qhov tseem ceeb nyob hauv lub caij Christmas no, peb yuav tau zoo yog tias peb rov qab nug lo lus no hais tias, “Kuv ua dab tsi kom nrhiav tus Khetos?”

Thaum ib lub sij hawm nyuaj rau tus Vaj Ntxwv Daviv, nws sau hais tias, “Vajtswv, koj yog kuv tus Vajtswv, kuv tos ntsoov koj. Kuv lub siab xav tau koj . . . kuv tus ntsuj plig nqhis koj qhuav siab qhawv.”⁷

Tej zaum yog vim Daviv nrhiav Vajtswv zoo li no ces twb piav hais tias Daviv yog ib tug neeg uas coj raws li Vajtswv lub siab nyiam.⁸

Thaum lub caij Christmas no thiab tas ib xyoo, xav kom peb nrhiav peb tus Cawm Seej uas peb hlub kom kawg siab kawg ntsws, tus Vaj Ntxwv ntawm Kev Thaj Yeeb, Ixayees tus Dawb Huv. Vim hais tias qhov uas peb xav ua li no yog lub ntsiab ntawm qhov uas peb cov mej zeej ntawm Yexus Khetos lub Koom Txoos ntawm Tsoom Haiv Neeg Ntseeg hauv Hnuv Nyooq Kawg yog leej twg thiab haj yam yog lub ntsiab ntawm qhov uas peb yog Khetos cov thwj tim tiag tiag.

LUS CIM

1. Lukas 2:8.
2. Saib Lukas 2:15.
3. Saib Mathais 2:1–2.
4. Saib Mathais 2:11.
5. Saib Lukas 2:22–38.
6. Saib 3 Nifais 1.
7. Phau Ntawv Nkauj 63:1.
8. Saib Tes Hauj Lwm 13:22.

QHIA LOS NTAWM TSAB XOY NO

Peb yuav ua li cas kom nrhiav tus Khetos zoo dua, raws li Thawj Tswj Hwm Uchtdorf hais? Tej zaum koj yuav xav yaum cov uas koj qhia kom nug lawv tus kheej hais tias, “Kuv ua dab tsi kom nrhiav tus Khetos tam sim no?” Cia li xav seb puas xav caw lawv pib hais tias lawv ua dab tsi kom nrhiav tus Khetos thaum lub sij hawm uas lawv tsev neeg kawm vaj lug kub ua ke txhua hnuv. Tej zaum koj kuj yuav xav saib daim video txog lub caij Christmas nyob hauv Mormon.org ua ke nrog cov uas koj qhia thiab caw lawv ua raws li lub cib fim uas muaj txhua xyoo no kom nrhiav tus Khetos thiab coj raws li Nws tej lus qhia.

COV ME NYUAM

Tos Ntsoov Yexus

Neeq coob twb saib thiab tos ntsoov Yexus txoj kev yug los. Tam sim no peb saib thiab tos ntsoov Nws txoj kev rov qab los! Peb yuav npaj siab thaum peb kawm txog Yexus thiab coj raws li Nws. Koj ua dab tsi kom coj raws li Yexus? Cia li kos duab ua ib lub hnuv qub thiab sau koj tej tswv yim nyob haud.



Ib Leeg Txaus Siab Ris Ib Leeg lub Nra

Ua tib zoo thov Vajtsuv kawm tej yam no thiab nrhiav kev tshoov siab seb koj yuav tsum qhia dab tsi. Qhov uas Vajtsuv cov ntxhais to taub lub hom phiaj ntawm lub Koom Haum Niam Tsev yuav npaj lawv li cas kom txais tau cov koob hmoov ntawm txoj sia nyob mus ib txhis?

**Kev Ntseeg Tsev Neeg
Kev Pab**

Thawj Tswj Hwm Thomas S. Monson hais tias, “Yeej muaj cov neeg uas xav tau peb txoj kev pab ib ncig peb uas xav tau peb txoj kev pab, peb txoj kev txhawb nqa, peb txoj kev nplij siab thiab peb txoj kev ua siab zoo. Peb yog tus Tswv txhais tes hauv ntiav teb no, uas twb raug txib kom mus pab thiab txhawb nqa Nws cov me nyuam. Nws yeej cia siab rau peb sawv daws heev.”¹

Thawj Tswj Hwm Henry B. Eyring, tus Pab Cuam thib Ib hauv Thawj Pawg Thawj Tswj Hwm, hais tias: “Nej lub siab twb pib hloov loj heev thaum nej koom Nws lub Koom Txoos. Nej tau khi lus, thiab nej tau txais kev cog lus uas ua rau nej pib rais los ua neeg tshiab. . . .

“ . . . Nej tau cog lus tias nej yuav pab tus Tswv kom [lwm tus] tej nra yuav sib thiab lawv yuav txais kev nplij siab. Nej tau txais lub hwj chim kom pab ua rau tej nra no sib thaum nej tau txais lub txiaj ntsim Vaj Ntsuj Plig Dawb Huv.”²

Jean B. Bingham, Koom Haum Niam Tsev tus Tuam Thawj Tswj

Hwm hais tias, “Peb yuav xav siv qhov kaj ntawm txoj moo zoo los saib lwm tus li tus Cawm Seej saib—nrog kev khuv leej, kev cia siab, thiab kev siab hlub. Yuav muaj ib hnuv twg uas peb yuav to taub txog neeg lub siab ces peb yuav ua tsaug rau txoj kev zam txim rau peb—ib yam li peb tau muaj kev siab hlub rau lwm tus neeg. . . .

“Ib yam uas peb yuav tsum ua yog txais tej kev kho zoo ntawm *sawv daws* thaum peb sim ua raws li tus Cawm Seej, Yexus Khetos.”³

Thaum peb ib leeg ris ib leeg lub nra thiab ua raws li peb tej kev khi lus, peb qhib kev rau Yexus Khetos kho lwm tus kom zoo. Txwj Laug Jeffrey R. Holland ntawm Pawg Kaum Ob tug Thwj Tim qhia hais tias: “Thaum yus xav txog tus nqi loj tshaj plaws uas tau them thaum Yexus raug ntsia saum ntoo khaub lig thiab theej peb lub txhoj, kuv cog lus rau nej hais tias Nws yeej yuav tsis tso peb tseg tam sim no. Thaum nws hais rau cov uas pluag ntawm sab ntsuj plig hais tias, ‘Los

cuag kuv,’ Nws hais tias Nws paub txoj kev tawm mus thiab paub txoj kev mus saud. Nws paub vim Nws twb taug txoj kev ntawd. Nws paub txoj kev uas yuav tsum taug vim Nws *yeej yog* txoj kev ntawd.”⁴

Vaj Lug Kub Ntxiv

Mathais 25:40; Kalatias 6:2; Mauxiyas 2:17; 18:8–9

LUS CIM

1. Thomas S. Monson, “Ua Hauj Lwm Pab tus Tswv nrog Kev Hlub,” *Liahona*, Ob Hlis Ntuj 2014, 4.
2. Henry B. Eyring, “Tus Nplij Siab,” *Liahona*, Tsib Hlis Ntuj 2015, 18.
3. Jean B. Bingham, “Kuv Yuav Coj qhov Kaj ntawm txoj Moo Zoo Los rau Hauv Kuv lub Tsev,” *Liahona*, Kaum Ib Hlis Ntuj 2016, 6, 8.
4. Jeffrey R. Holland, “Broken Things to Mend,” *Liahona*, Tsib Hlis Ntuj 2006, 71.

Xav Txog Qhov No

Qhov uas peb pab ris lwm tus lub nra thiab ua raws li peb tej kev khi lus yuav ua li cas kom qhib kev rau Yexus Khetos kho cov uas xav tau kev pab kom zoo.